

KOMORA DIPLOMIRANIH ZDRAVSTVENIH INŽINJERA SVIH PROFILA  
FEDERACIJE BOSNE I HERCEGOVINE

Broj: P-07/14

Na osnovu Zakona o zdravstvenoj zaštiti Federacije Bosne i Hercegovine (Službene novine FBiH, broj 46/10), Statuta Komore diplomiranih zdravstvenih inženjera svih profila Federacije Bosne i Hercegovine (u daljem tekstu: Komore), te Pravilnika o postupku izdavanja licence, kao i sadržaju i izgledu licence (Službene novine FBiH, broj 82/13), na prijedlog Komisije za Edukaciju Komore diplomiranih zdravstvenih inženjera svih profila FBiH, Skupština Komore je dana 06.12.2014. godine usvojila:

**PRAVILNIK O SADRŽAJU, ROKOVIMA I POSTUPKU PROVJERE STRUČNOSTI  
DIPLOMIRANIH ZDRAVSTVENIH INŽINJERA SVIH PROFILA FEDERACIJE BOSNE  
I HERCEGOVINE**

**I. OPĆE ODREDBE**

**Član 1.**

Ovim Pravilnikom utvrđuje se sadržaj, rokovi i postupak stručnog usavršavanja i provjere stručnosti diplomiranih zdravstvenih inženjera/profesionalaca svih profila Federacije BiH.

Diplomirani zdravstveni inženjeri/profesionalci dužni su stalno obnavljati stečena znanja i usvajati nova znanja u skladu s najnovijim dostignućima i saznanjima iz područja njihovog profila.

Prema ovom Pravilniku diplomirani zdravstveni inženjeri/profesionalci su obvezni stručno se usavršavati i provjeravati stručnost radi stjecanja uslova za produženje odobrenja za samostalan rad - licence.

**II. NAČELA TRAJNOGA STRUČNOG USAVRŠAVANJA**

**Član 2.**

Trajno stručno usavršavanje diplomiranih zdravstvenih inženjera/profesionalca nastavlja se na završeno fakultetsko obrazovanje i odnosi se na sve diplomirane zdravstvene inženjere/profesionalce koje pružaju neposrednu zdravstvenu zaštitu u djelokrugu svoga rada kao i za one koji rade izvan sistema zdravstvene zaštite u okviru prevencije i promocije zdravlja.

Trajno usavršavanje mora biti dostupno svima i provoditi se po jedinstvenim kriterijima za sve nivoe zdravstvene zaštite, a u skladu s ovim Pravilnikom.

KOMORA DIPLOMIRANIH ZDRAVSTVENIH INŽINJERA SVIH PROFILA  
FEDERACIJE BOSNE I HERCEGOVINE

Program trajnoga stručnog usavršavanja mora u svom sadržaju i vrijednosti boda imati stečena i nova saznanja odnosno nova dostignuća iz područja zdravstvene djelatnosti.

Bodovnim sistemom vrednuju se svi oblici trajnoga stručnog usavršavanja prema kriterijima utvrđenim ovim Pravilnikom.

### III. SADRŽAJ STRUČNOG USAVRŠAVANJA

#### Član 3.

Načini stručnog usavršavanja diplomiranih zdravstvenih inženjera/profesionalca su: stručni skupovi (kongresi, simpoziji i konferencije), stručni sastanci s predavanjem, stručna savjetovanja, kursevi, studijski boravci s mentorom, publikacije (stručni članak u časopisu, uredništvo časopisa, autorstvo, koautorstvo, uredništvo knjige ili poglavlja i recenzija knjige) iz stručnog područja i stručni i akademski nazivi (magistarski i doktorski studij).

#### Član 4.

Komisija za edukaciju Komore donosi odluku o priznavanju i kategorizaciji svih oblika trajnog usavršavanja na temelju podnesenog zahtjeva od strane organizatora programa stručnog usavršavanja.

### IV. ROKOVI STRUČNOG USAVRŠAVANJA

#### Član 5.

Diplomirani zdravstveni inženjer/profesionalac mora proći provjeru stručnosti svakih šest godina radi obnavljanja odobrenja za samostalan rad - licence.

Provjeru stručnosti nije potrebno provoditi za diplomiranog zdravstvenog inženjera/profesionalca koji je u razdoblju od šest godina stekao 90 bodova.

### V. POSTUPAK STRUČNOG USAVRŠAVANJA

#### Član 6.

Diplomirani zdravstveni inženjer/profesionalac može izabrati način svojega stručnog usavršavanja koj mu najviše odgovara, držeći se načina stručnog usavršavanja iz Člana 3. ovog Pravilnika.

Diplomirani zdravstveni inženjer/profesionalac izabire način svojega stručnog usavršavanja, organiziranog od Komore ili vanjskih organizatora trajnog usavršavanja,

KOMORA DIPLOMIRANIH ZDRAVSTVENIH INŽINJERA SVIH PROFILA  
FEDERACIJE BOSNE I HERCEGOVINE

vodeći računa o tome da se bodovi moraju skupljati iz različitih oblika stručnog usavršavanja.

Predlagači programa stručnog usavršavanja mogu biti: obrazovne institucije koje u svom Strukovni odbori Komore, zdravstvene ustanove, stručna društva ili udruženja koja se bave specifičnim područjima zdravstvene djelatnosti, trgovačka društva, pojedinci i drugi.

Vanjskim organizatorom trajnog usavršavanja smatraju se svi organizatori stručnog usavršavanja koji nisu usavršavanja provedenog od strane Komore.

Prijavljivanje trajnog usavršavanja, administrativni postupak vrednovanja i evidencija sudjelovanja na svim oblicima trajnog usavršavanja provodi se i evidentira na način koji propiše Komisija za edukaciju posebnim upustvima i pripadajućim obrascima.

## VI. PROVJERA STRUČNOSTI

### Član 7.

Provjera stručnosti diplomiranih zdravstvenih inženjera/profesionalca za razdoblje od šest godina provodi se bodovanjem.

Diplomirani zdravstveni inženjer/profesionalc mora tokom šest godina steći 90 bodova. Višak bodova ne može se prenositi u sljedeće šestogodišnje razdoblje.

## VII. VREDNOVANJE NAČINA STRUČNOG USAVRŠAVANJA

### Član 8.

Vrednovanje načina stručnog usavršavanja provodi se sistemom bodovanja pojedinih načina stručnog usavršavanja.

Sistem bodovanja pojedinih načina stručnog usavršavanja određuje se na slijedeći način:

### STRUČNI SKUPOVI

Rb	Vrsta organizovanog oblika trajnog usavršavanja	Aktivno učešće	Pasivno učešće
<b>KONGRESI</b>			

KOMORA DIPLOMIranih ZDRAVSTVENIH INŽINJERA SVIH PROFILA  
FEDERACIJE BOSNE I HERCEGOVINE

1.	Domaći kongres	10	6
2.	Regionalni kongres	12	8
3.	Domaći kongres s međunarodnim učešćem	13	9
4.	Europski kongres	14	10
5.	Svjetski kongres	15	12
<b>SIMPOZIJI</b>			
1.	Domaći simpozij	8	5
2.	Regionalni simpozij	9	6
3.	Domaći simpozij s međunarodnim učešćem	10	7
4.	Europski simpozij	11	8
5.	Svjetski kongres	12	9

Kongresom se smatra stručni skup u trajanju od 3 do 5 dana, sadržava najmanje 3 glavne teme (i dodatno slobodne teme iz užeg područja kongresa), uključuje obavezno predavanja (može uključivati i demonstracije / vježbe).

Regionalni kongres ima organizatore / predavače iz najmanje dvije susjedne zemlje.

Domaći kongres s međunarodnim učešćem ima predavače iz najmanje 3 zemlje (bez mogućnosti da svi predavači iz inostranstva budu iz Bosni i Hercegovini susjednih zemalja).

Europskim kongresom se smatra kongres u organizaciji organizatora registriranog za djelovanje na europskom nivou i/ili predavače iz najmanje 7 europskih zemalja.

Međunarodnim kongresom se smatra kongres u organizaciji organizatora registrovanog za djelovanje na međunarodnom nivou/ili više predavača iz najmanje 7 zemalja s najmanje 2 kontinenta.



**KOMORA DIPLOMIRANIH ZDRAVSTVENIH INŽINJERA SVIH PROFILA  
FEDERACIJE BOSNE I HERCEGOVINE**

Simpozijom se smatra stručni skup u trajanju od 1 do 3 dana, sadržava 1 do 2 teme, uključuje obavezno predavanje (može uključivati i demonstracije / vježbe).

Regionalni simpozij ima organizatore / predavače iz najmanje dvije susjedne zemlje.

Domaći simpozij s međunarodnim učešćem ima predavače iz najmanje 3 zemlje (bez mogućnosti da svi predavači iz inostranstva budu iz Bosni i Hercegovini susjednih zemalja).

Europskim simpozijom se smatra simpozij u organizaciji organizatora registriranog za djelovanje na europskom nivou/ili predavače iz najmanje 7 europskih zemalja.

Međunarodnim simpozijom se smatra simpozij u organizaciji organizatora registriranog za djelovanje na međunarodnom nivou i/ili više predavača iz najmanje 7 zemalja s najmanje 2 kontinenta.

Konferencija se vrednuje prema kriterijima kongresa ili simpozija ovisno o trajanju, broju tema i sadržajima.

Aktivno sudjelovanje kao pozvani predavač donosi dodatna 2 boda više po kategorijama.

Pravo na vrednovanje aktivnog sudjelovanja imaju prva 3 autora. Ostalim autorima se dodaje 1 bod više po kategorijama na pasivno sudjelovanje.

Koautorima sažetaka ili postera na kongresu i slično, koji nisu bili prisutni dodjeljuje se po jedan bod za aktivno sudjelovanje.

### STRUČNI SASTANCI I SAVJETOVANJA

Rb	Vrsta organizovanog oblika trajnog usavršavanja	Predavač	Slušač
<b>STRUČNI SASTANCI I SAVJETOVANJE</b>			
1.	Stručni sastanak sa predavanjem na nivou strukovnog odbora Komore	7	5
2.	Godišnji sastanak strukovnog odbora Komore	6	4
3.	Stručni sastanak sa predavanjima u organizaciji vanjskog organizatora	6	4
4.	Stručno savjetovanje	3	

Stručni sastanak s predavanjem na nivou strukovnog odbora Komore uključuje predavanja u trajanju od najmanje 60 minuta s dodatnih 15 minuta za raspravu.

Stručni sastanak s predavanjem na razini organizacijske jedinice može imati najviše 2 predavača.

Stručni sastanak s predavanjem u organizaciji vanjskog organizatora trajnog usavršavanja uključuje predavanja u trajanju od najmanje 60 minuta s dodatnih 15 minuta za raspravu.

Stručnim savjetovanjem smatra se sastanak organizacijske jedinice unutar zdravstvene ustanove s ciljem rješavanja/savjetovanja o aktualnoj problematici iz stručnog područja rada diplomiranog zdravstvenog inženjera/profesionalca u trajanju od minimalno 30 minuta.

Teme stručnog savjetovanja s opisom, zaključcima i popisom učesnika dostavljaju se u Komori 7 dana od dana održavanja.

Maksimalan broj bodova koji diplomirani zdravstveni inženjer/profesionalac može skupiti stručnim savjetovanjem u periodu od jedne godine je 4 boda.

Konačnu odluku o vrednovanju stručnog savjetovanja donosi Komisija za edukaciju Komore.

## KURSEVI

Rb	Kurs	Domaći	Međunarodni
1.	<b>Kurs prve kategorije</b>		
	predavač	15	20
	polaznik	10	13
2.	<b>Kurs druge kategorije</b>		
	predavač	10	13
	polaznik	6	8
3.	<b>Kurs treće kategorije</b>		
	predavač	8	10
	polaznik	5	7

Kursevi prve kategorije traju od 3 do 7 dana, uključuju predavanja i vježbe, printani materijal, pisanu i usmenu provjeru znanja i vještina (praktični rad).

Kursevi druge kategorije traju od 1 do 3 dana, uključuju predavanja i radionice, printani materijal i pisanu provjeru znanja

Kursevi treće kategorije traju od 1 do 2 dana, uključujući predavanja i demonstracije.

Međunarodnim kursem smatra se kurs u organizaciji organizatora registrovanog za djelovanje na međunarodnom nivou ili kurs organizovan od strane domaćeg organizatora po ovlaštenju, planu i programu propisanom od strane međunarodnog organizatora.

### STUDIJSKI BORAVCI S MENTOROM

Studijski boravci s mentorom	U Bosni i Hercegovini	U inostranstvu
Mentor	15 bodova sedmično	20 bodova sedmično
Polaznik	10 bodova sedmično	13 bodova sedmično

### PUBLIKACIJE

Rb	Publikacije	Vrednovanje bodovima
1.	<b>Stručni članak u indeksiranim publikacijama</b>	
	Prvi autor	15 bodova
	Koautor	7 bodova
2.	<b>Stručni članak u neindeksiranim publikacijama</b>	
	Prvi autor	9 bodova
	Koautor	5 bodova
3.	<b>Uredništvo časopisa</b>	
	Glavni urednik	10 bodova
	Član uredništva	5 bodova
4.	<b>Knjiga</b>	
	Prvi autor	30 bodova



	Koautor	20 bodova
5.	<b>Urednik knjige</b>	20 bodova
6.	<b>Poglavlje u knjizi</b>	
	Prvi autor	15 bodova
	Koautor	10 bodova
7.	<b>Recenzija knjige</b>	20 bodova

Pravo na vrednovanje stručnog članka imaju prvi autor i 3 koautora.

Stručni članak u indeksiranim publikacijama je članak objavljen u časopisu koji se citira u Current Contents, Science Citation Index, Excerpta Medica ili Medline bazi (Index Medicus ili International Nursing Index). Indeksiranost publikacije dokazuje se odgovarajućom potvrdom knjižnice.

#### **STRUČNI I AKADEMSKI NAZIVI**

<b>Stepen</b>	<b>Bodovi</b>
Magistarski studij/specijalistički studij	30 bodova
Doktorski studij	40 bodova

#### **VIII. DOKUMENTOVANJE TRAJNOG USAVRŠAVANJA**

##### **Član. 9**

Trajno usavršavanje vanjskih organizatora Komora će vrednovati ako obrađuju neko područje zdravstvene djelatnosti struka koje Komora zastupa ili ako su multidisciplinarni, a uključuju potrebna znanja od stručne koristi za diplomirane zdravstvene inženjere/profesionalce.



---

KOMORA DIPLOMIRANIH ZDRAVSTVENIH INŽINJERA SVIH PROFILA  
FEDERACIJE BOSNE I HERCEGOVINE

Zahtjev za vrednovanjem trajnog usavršavanja koje se održava u Bosni i Hercegovini, vanjski organizator treba podnijeti najkasnije 30 dana prije održavanja oblika trajnog usavršavanja.

Uz zahtjev je potrebno priložiti, zavisno o načinu i vrsti trajnog usavršavanja, svu potrebnu dokumentaciju.

Pojedinačni zahtjev za vrednovanjem trajnog usavršavanja može podnijeti diplomirani zdravstveni inženjer/profesionalac za učešće na stručnim skupovima (kongresima, simpozijima i konferencijama) i kursovima koji se organizuju izvan Bosne i Hercegovine, kao i za vrednovanje stručnog usavršavanja putem studijskih boravaka s mentorom i publikacija u Bosni i Hercegovini i inostranstvu.

S organizatorom odnosno ovlaštenom osobom trajnog usavršavanja Komora sklapa ugovor o međusobnim pravima i obvezama za pojedino trajno usavršavanje ili za program trajnog usavršavanja u određenom vremenskom roku.

Odluku o sklapanju ugovora donosi Komisija za edukaciju Komore. Ugovor potpisuje predsjednik Komore.

### **Član 10.**

Vanjski organizator trajnog usavršavanja za provođenje postupka vrednovanja treba podnijeti, ovisno o vrsti trajnog usavršavanja, slijedeću dokumentaciju:

<b>Način stručnog usavršavanja</b>	<b>Potrebna dokumentacija</b>
Stručni skupovi	
Kongres, simpozij, konferencija	<ul style="list-style-type: none"><li>- Zahtjev za pojedinačno vrednovanje trajnog usavršavanja</li><li>- Program stručnog skupa / fotokopiju sadržaja printanih materijala</li><li>- Fotokopiju potvrde (certifikata) organizatora o učešću na stručnom skupu</li></ul>
- za aktivno učešće na stručnom skupu potrebno je osim navedenog dostaviti	<ul style="list-style-type: none"><li>- Fotokopija printanog sažetka rada</li></ul>
Kursevi	<ul style="list-style-type: none"><li>- Zahtjev za pojedinačno vrednovanje trajnog usavršavanja</li><li>- Program kursa sa sadržajem i satnicom</li><li>- Fotokopiju potvrde (certifikata) organizatora o učešću na stručnom skupu</li></ul>
Studijski boravci s mentorom	<ul style="list-style-type: none"><li>- Zahtjev za pojedinačno vrednovanje trajnog usavršavanja</li><li>- Originalni primjerak potvrde mentora i predstavnika ustanove</li></ul>
Publikacije	
Stručni članak	<ul style="list-style-type: none"><li>- Zahtjev za pojedinačno vrednovanje trajnog usavršavanja</li><li>- Impresum časopisa</li></ul>

	- Fotokopija sažetka rada
Autorstvo / Uredništvo / Recenzija knjige	- Zahtjev za pojedinačno vrednovanje trajnog usavršavanja - Originalni primjerak knjige ili fotokopija naslovnice - Fotokopija stranica knjige iz kojih su dostupne informacije o autoru, izdavaču, uredništvu i recenzentima - Fotokopija sadržaja
- za autorstvo poglavlja osim navedenog potrebno je dostaviti	- Potvrdu izdavača o autorstvu poglavlja
Član uredništva časopisa	- Zahtjev za pojedinačno vrednovanje trajnog usavršavanja - Impresum časopisa iz kojeg su vidljivi podaci: naslov, ISSN, naziv izdavača, sastav uredništva, podatak o učestalosti izlaženja

#### Član 11.

Usavršavanje putem studijskog boravka u inostranstvu Komisija za edukaciju Komore rješavat će pojedinačno.

#### IX. OSTALE ODREDBE

#### Član 12.

Diplomirani zdravstveni inženjeri/profesionalci dužni su provjeriti ispunjavaju li uslove za obnavljanje odobrenja tri mjeseca prije isteka roka od šest godina od dobivanja odobrenja za samostalan rad ili produženja odobrenja za samostalan rad.

### **Član 13.**

Ako diplomirani zdravstveni inženjer/profesionalac nije iz bilo kojeg razloga tokom šestogodišnjeg razdoblja sakupio dovoljan broj bodova ili sve potrebne bodove, može to nadoknaditi polaganjem ispita, čiji sadržaj propisuje Komora na prijedlog Komisije za edukaciju Komore i strukovnog odbora kojem pripada.

Komisija za edukaciju Komore i strukovni odbor kojem diplomirani zdravstveni inženjer/profesionalac pripada, svaki slučaj procjenjuju pojedinačno, te sastavljaju ispitni program i imenuju ispitnu komisiju.

## **X. PRIJELAZNE I ZAVRŠNE ODREDBE**

### **Član 14.**

Provjera stručnosti za sve diplomirane zdravstvene inženjere/profesionalce počinje teći od 2015. godine za naredno razdoblje od šest godina, a u svrhu relicenciranja.

### **Član 15.**

Diplomirani zdravstveni inženjer/profesionalac koji prvi put predaje zahtjev za izdavanje odobrena za samostalan rad – licence, nije dužan prolaziti provjeru stručnosti, već mu se ista izdaje na osnovu potrebne dokumentacije propisane Pravilnikom o postupku izdavanja licence, kao i sadržaju i izgledu licence (Službene novine FBiH, broj 82/13) i Pravilnikom o izdavanju, obnavljanju i oduzimanju odobrenja za samostalan rad – licence Komore diplomiranih zdravstvenih inženjera svih profila Federacije Bosne i Hercegovine

### **Član 16.**

Skupština Komore na prijedlog Komisije za Edukaciju Komore većinom glasova usvaja Pravilnik i postaje važeći danom donošenja.

Izmjene i dopune ovog Pravilnika donose se po istom postupku kao i Pravilnik.

Predsjednik Skupštine Komore diplomiranih  
zdravstvenih inženjera svih profila FBiH